

世說新語

卷二十八

五言古詩

癸卯歲始春懷古田舍

二首

晉陶淵明

淺草文庫

在昔聞南畝當年竟未踐
屢空既有人春興豈自免
夙晨裝吾駕啓塗情已絕
鳥弄權新節冷風送餘善
寒竹被荒蹊地爲罕人遠
是以植杖翁悠然不復返
卽理愧通識所保詎乃淺

先師有遺訓憂道不憂貧
瞻望邈難逮轉欲志

一作常志

勤秉耒權時務解顏勸農人
平疇交遠風良苗亦懷新
雖未量歲功卽事多所欣
耕種有時息行者無問津
日入相與歸壺漿勞近鄰
長吟掩柴門聊爲隴畝民

五言古詩

卷二十八

一

歸田園居

五首

少無適俗韻性本愛丘山誤落塵網中一去三十年羈
鳥戀舊林池魚思故淵開荒南野際守拙歸園田方宅
十餘畝草屋八九間榆柳蔭後園桃李羅堂前曖曖遠
人村依依墟里煙狗吠深巷中鷄鳴桑樹顛戶庭無塵
雜虛室有餘閒久在樊籠裏復得返自然

野外罕人事窮巷寡輪鞅白日掩荆扉虛室絕塵想時
復墟曲中披草共來往相見無雜言但道桑麻長桑麻
日已長我土日已廣常恐霜霰至零落同草莽

種豆南山下草盛豆苗稀晨興理荒穢帶月荷鋤歸道
狹草木長夕露沾我衣衣沾不足惜但使願無違

久去山澤游浪莽林野娛試携子姪輩披榛步荒墟徘徊
徇丘壟間依依昔人居井竈有遺處桑竹殘朽株借問
採薪者此人皆焉如薪者向我言死沒無復餘一世異
朝市此語真不虛人生似幻化終當歸空無

悵恨獨策還崎嶇歷榛曲山澗清且淺遇以濯吾足漉

我新熟酒隻鷄招近局

一作屬

日入室中闇荆薪代明燭

權來苦夕短已復至天旭

還舊居

疇昔家上京六載去還歸今日始復來惻愴多所悲阡

五言古詩 卷二十八 二
陌不移舊邑屋或時非履歷周故居隣老罕復遺步步
尋往跡有處特依依流幻百年中寒暑日相推常恐大
化盡氣力不及衰撥置且莫念一觴聊可揮

移居 二首

昔欲居南村非爲卜其宅聞多素心人樂與數晨夕懷
此頗有年今日從茲役弊廬何必廣取足蔽牀席鄰曲
時時來抗言談在昔竒文共欣賞疑義相與析
春秋多佳日登高賦新詩過門更相呼有酒斟酌之農
務各自歸閒暇輒相思相思則披衣言笑無厭時此理
將不勝無爲忽去茲衣食當須紀力耕不吾欺

和劉柴桑歸田

山澤久見招胡事乃躊躇直爲親舊故未忍言索居良
辰入竒懷挈杖還西廬荒塗無歸人時時見廢墟茅茨
已就治新疇復應畬谷風轉淒薄春醪解饑劬弱女雖
非男慰情良勝無栖栖世中事歲月共相疎耕織稱其
用過此奚所須去去百年外身名同翳如

和郭主簿田居 二首

藹藹堂前林中夏貯清陰凱風因時來回飈開一作吹我
襟息交游閒業臥起弄書琴園蔬有餘滋舊穀猶儲今
營已良有極過足非所欽春秋作美酒酒熟吾自斟弱

子戲我側學語未成音此事真復樂聊用忘華簪遥遥
望白雲懷古一何深

和澤周三春清涼素秋節露凝無游氛天高肅景澈陵
岑聳逸峰遙瞻皆奇絕芳菊開林耀青松冠巖列懷此
貞秀姿卓爲霜下傑銜觴念幽人千載撫爾訣檢素不
獲展厭厭竟良月

北宅祕園

宋謝莊

夕天霽晚氣輕霞澄暮陰微風清幽幌餘日照青林收
光漸牕歇窮園自荒深綠池翻素景秋槐響寒音伊人
儻同愛絃酒共棲尋

憶山中

謝靈運

采菱調易急江南歌不緩楚人心昔絕越客腸今斷斷
絕雖殊念俱爲歸慮歎存鄉爾思積憶山我憤懣追尋
棲息時偃臥任縱誕得性非外求自己爲誰纂不怨秋
夕長常一作恒苦夏日短濯流激浮湍息陰倚密竿懷故
叵新歡含悲忘春暖悽悽明月吹惻惻廣陵散殷勤訴
危柱慷慨命促管

還舊園作

呈顏范二中書

辭滿豈多秩謝病不待年偶與張邴合久欲還東山聖
靈昔迴眷微尚不及宣何意衝飈激烈火縱炎烟焚玉

發崑峯餘燎遂見遷投沙理既迫如叩願亦愆長與歡
愛別永絕平生緣浮舟千仞壑總轡萬尋巔流沫不足
險石林豈爲艱閩中安可處日夜念歸旋事蹟兩如直
心愜三避賢託身青雲上棲巖挹飛泉盛明盪氛昏貞
休康屯遭殊方感成貸微物豫采甄感深操不固質弱
易扳纏曾是反昔園語往實欵然曩基卽先築故池不
更穿果木有舊行壤石無遠延雖非休憇地聊取永日
閒衛生自有經息陰謝所牽夫子照清素探懷授往篇

和謝監靈運

顏延之

弱植慕端操窘步懼先迷寡立非擇方刻意藉窮棲伊

昔邁多幸秉筆侍兩闈

一作闈

雖慙丹艧施未謂玄素睽

徒遭良時詖王道奄昏霾人神幽明絕朋好雲雨乖弔
屈汀洲浦謁帝蒼山蹊倚巖聽緒風攀林結留莢跂予
間衡嶠曷月瞻秦稽皇聖昭天德豐澤振沈泥惜無雀
雉化何用充海淮去國還故里幽門樹蓬藜采茨葺昔
宇翦棘開舊畦物謝時旣晏年往志不借親仁敷情昵
興玩一作賦究辭悽芬馥歇蘭若清越奪琳珪盡言非報
章聊用布所懷

石門新營所住四面高山迴溪石瀨茂林修竹

謝靈運

五言古詩 卷二十八 五
躋險築幽居披雲臥石門苔滑誰能步葛弱豈可捫
嫋秋風過萋萋春草繁美人遊不還佳期何由敦芳塵
凝瑤席清醕滿金尊洞庭空波瀾桂枝徒攀翻結念屬
霄漢孤景莫與諉俯濯石下潭仰看條上猿早聞夕飈
急晚見朝日暎崖傾光難留林深響易奔感往慮有復
理來情無存庶持乘日車一作用得以慰營魂匪爲衆人
說異與智者論

臨川王服竟還田里

鮑照

送舊禮有終事君慙懦薄稅駕罷朝衣歸志願巢壑尋
思邈無報退命愧天爵捨耨將十齡還得守場藿道經
盈竹筥農書滿塵閣愴愴秋風生戚戚寒緯作豐霧粲
草華高月麗雲嶠屏跡勤躬稼衰疾倚芝藥顧此謝人
羣豈直止商洛

夢歸鄉

銜淚出郭門撫劔無人達沙風暗空一作塞起離心眷鄉
畿夜分就孤枕夢想暫言歸嬌婦當戶歎縑絲一作搔首復
鳴機慊欵論久別相將還綺闥歷歷簷下涼朧朧帳裏
暉刈蘭爭芬芳採菊競歲蕤開奩奪香蘇探袖解纓微
夢中長路近覺後大江違驚起空歎息恍惚神魂飛白
水漫浩浩高山壯巍巍波瀾異往復風霜改榮衰此土

非吾土慷慨當告誰

山園秋散

負疾固無豫晨衿悵已單氣交蓬門疎風數園草殘荒
墟半晚色幽庭憐夕寒既悲月戶清復切夜蟲酸流枕
商聲苦騷殺年志蘭臨歌不知調發興誰與歡儻結絃
上情豈孤林下彈

行宅

序曰余稟性端疎屬愛間外往歲羈役浙東
備歷江山之美名都勝境極盡登臨山原石
道步步新情廻池絕澗往往舊
識以吟以咏聊用述心齊竟陵王子良

訪宇北山阿卜居西野外幼賞悅禽魚早性羨蓬艾

春日家園

王儉

徙倚未云暮陽光忽已收羲和無停晷壯士豈淹留冉

冉

一作
在萬

老將至功名竟不修稷契匡虞夏伊呂翼商周

撫躬謝先哲解紱歸山丘

移病還園

示親屬

謝朓

疲策倦人世歛性就幽蓬停琴佇涼月滅燭聽歸鴻涼
薰乘暮晰秋華臨夜空葉低知露密崖斷識雲重折荷
葺寒袂開鏡眇衰容海暮騰清氣河關秘棲沖煙衡時
未歇芝蘭去相從

治宅

結宇夕陰街荒幽橫九曲迢遞南川陽迤邐西山足闢

五言古詩 卷二十一
館臨秋風敞牕望寒旭風碎池中荷霜翦江南菜既無
東都金且稅東臯粟

山園

沈約

寒瓜方臥壠秋菰亦滿陂紫茄紛爛熳綠芋鬱參差初
菘向堪把時韭日離離高梨有繁實何減萬年枝荒渠
集野鴈安用昆明池

和沈祭酒約

齊謝朓

清淮左長薄荒徑隱高蓬回潮旦夕上寒桌左右通霜
畦紛綺錯秋町鬱蒙茸環梨縣已紫珠榴折且紅君有
棲心地伊我歡既同何用甘泉側玉樹望青葱

秋晨羈怨望海思歸

沈約

分空臨澥霧披遠望滄流八桂曖如畫三桑眇若浮烟
極希丹水月遠望青丘

酬孔通直過懷蓬居

閭闔既洞啓龍樓亦高闕兩宮集鸞步二闈引通籍伊
爾事清途紛吾供賤役

東園

陳王鬪鷄道安仁採樵路東郊豈異昔聊可間余步野
徑既盤紆荒阡亦交互槿籬疎復密荆扉新且故樹頂
鳴風飈草根積霜露驚磨去不息征鳥時相顧茅棟嘯

愁鴟平岡走寒兔夕陰帶層阜長烟引輕素飛光忽我
適豈止歲云暮若蒙西山藥頽齡倘能度

秋至懷歸

江淹

悵然集漢北還望岨山田云云百重壑參差萬里山楚
關帶秦隴荆雲冠吳煙草色歛窮水木葉變長川秋至
帝子降客人傷嬋娟試訪淮海使歸路成數千蓬驅未
止極旌心徒自懸若華想無慰憂至定傷年

還故園

漢臣泣長沙楚客悲辰陽古念雖不舉茲理亦宜傷山
中信寂寥孤景吟空堂北地三變露南簷再逢霜竊值
寰海闢仄見圭緯昌浮雲抱山川遊子御故鄉遽發桃
花渚適宿春風塲紅草涵電色綠樹鑠煙光高歌傖關
國微歎依笙篳請學碧靈草終歲自芬芳

還田舍

周捨

薄遊久已倦歸來多暇日未鑿武陵巖先開仲長室松
篁日月長蓬麻歲時密心存野人趣貴使容吾膝况茲
薄暮情高秋正蕭瑟

還東田宅

贈朋離

朱异

應生背芒說石子河陽文雖有遨遊美終非沮溺羣曰
余今卜築兼以隔囂紛池入東陂水窓引北巖雲槿籬

五言古詩 卷二十一
集田鷺茅簷帶野芬原隰何邈迤山澤共氛氲蒼蒼松
樹合耿耿樵路分朝興候巖晚暮坐極林曛憑高眺虹
蜺臨下瞰一作囑耕耘豈直娛衰暮兼得慰殷勤懷勞猶
未彌獨有望夫君

還宅作

蕭欣

時平有道泰世設交情離寄言謝公叔千載留清規

山中雜詩

二首 一云還山

吳均

山際見來煙竹中窺落日鳥向簷上飛雲從牕裏出
綠竹可克食女蘿可代裙山中自有宅桂樹籠青雲
具區窮地險嵒山萬里餘柰何梁隱士一去無還書

始居山營室

一云始營山居

劉峻

自昔厭諠囂執志好栖息嘯歌棄城市歸來事畊織鑿
戶闕嶠嶢開軒望嶰峒激水簷前溜脩竹堂陰植香風
鳴紫鸞高梧巢綠翼泉脉洞杳杳流一作沈波下不極髮
髴玉山隈想像瑤池側夜誦神仙記旦吸雲霞色將馭
六龍輿行從三鳥食誰與金門士撫心論胸臆

山中

一云詔問山中何所有賦詩以答

陶弘景

山中何所有嶺上多白雲只可自怡悅不堪持寄君

夏日還山庭

陳江總

獨於幽棲地山庭暗女蘿澗漬長低篠池開半卷荷野

花朝暝落盤根歲月多停樽無賞慰狎鳥自經過

歲暮還宅

悒然想泉石驅駕出城臺翫竹春前筍驚花雪後梅青
山殊可對黃卷復時開長繩豈繫日濁酒傾一杯

南還尋草市宅

紅顏辭輦洛白首入轅轅乘春行故里徐步采芳蓀逕
毀悲求仲林殘憶巨源見桐猶識井看柳尚知門花落
空難遍鶯啼靜易誼無人訪語默無處敘寒溫百年獨
如此傷心豈復論

春夜山庭

春夜芳時晚幽庭野氣深山疑刻削意樹接縱橫陰戶
對忘憂草池驚旅浴禽樽中良得性物外知余心

山居

徐陵

桃源驚往客鶴嶠斷來賓復有風雲處蕭條無俗人山
寒微有雪石路本無塵竹徑蒙籠巧茅齋結構新燒香
披道記懸鏡厭山神砌水何年溜簷桐幾度春雲霞一
已絕寧辨漢將秦

和從弟祐山家

二首

周王褒

採藥名山頂時節無春冬散雲非一色連崑異衆峰合
沓似無徑間關定有蹤山窓臨絕頂檐溜俯危松空林

五言古詩 卷二十八
鳴暮雨虛谷應朝鍾仙童時可遇羽客屢相逢若值韓
衆藥當御長房龍

結交非俗士仙侶自招攜少華隱日月太乙尋虹霓衆
林積爲籟園竹茂成埤幽谷曙無景荒途晝欲迷滴瀝
寒泉溜呌嘯秋猿啼白雲帝鄉起神禽丹穴栖箭篠時
通徑桃李復成蹊今身得其所羣物可令齊

歸田

庾信

務農勤九穀歸來嘉一廬穿渠移水碓燒棘起山田樹
陰逢歇馬魚潭見洒船苦李無人摘秋瓜不直錢社雞
新欲伏原蠶始更眠今日張平子翻爲人所憐

園庭

杖鄉從物外養學事閒郊窮愁方汗簡無遇始觀爻谷
寒已吹律簷空更剪茆樵隱恒同路人禽或對巢水蒲
開晚結風竹解寒苞古槐時變火枯楓乍落膠倒屣迎
懸榻停琴聽解嘲香螺酌美酒枯蚌藉蘭葭飛魚時觸
釣翳雉屢懸庖但使相知厚當能來結交

幽居值春

山人久陸沈幽逕忽春臨決渠移水碓開園掃竹林歛
橋久半斷崩岸始邪侵短歌吹細笛低聲泛古琴錢刀
不相及耕種且須深長門一紙賦何處覓黃金

寒園卽目

寒園星散居搖落小村墟遊仙半壁畫隱士一牀書子
月泉心動陽爻地氣舒雪花深數尺冰牀厚尺餘蒼鷹
斜望雉白鷺下看魚更想東都外羣公別二疎

山居

寂寥尋靜室蒙密就山齋滴瀝泉澆路穹窿石臥階淺
槎全不動盤根唯半埋圓珠墜晚菊細火落空槐直置
風雲慘彌憐心事乖

山中

澗暗泉偏冷巖深桂絕香任中能不去非獨淮南王

山家

石影橫臨水山雲半繞峯遙想山中店懸知春酒濃

春日園庭

一作梁元帝

隋孫士潜

池萍生已合林花發稍周風入花枝動日照水光浮

冰華主日合林芬發餅風人芬封燭日照木光采

春日園賦

一作采元帝

劉琨上蔡

不濕鬱翻水山雲平懸峯巖賦山中古懸吹春酉鬱

山案

詩所第二十九卷

五言古詩

正朝

晉傅玄

元正始朝享萬國執珪璋枝燈若火樹庭燎繼天光

前題

曹毗

靈春散初澤焚燼青陽舒佳袍忽已故今載奄復初軟
節暢宇宙和風被八區

元正詩

王氏

稔冉冥機運迅矣四節經太簇應玄律青陽兆初正

前題

辛氏

元正啓令節嘉慶肇自茲咸奏萬年觴小大同悅熙

皇太子社

潘尼

太簇協青陽履端發歲首孟月涉初旬吉日唯上酉我
后邇天休設社祈遐考

三月三日洛水作

啓運無窮已時逝焉可追斗酒足爲歡臨川胡獨悲暮
春春服成百草敷英蕤聊爲三日遊方駕結龍旂廊廟
多豪俊都邑有豔姿朱軒蔭蘭皋翠幙映洛湄臨岸濯
素手步水蹇輕衣沈鈞出比目舉弋落雙飛羽觴乘波
進素俎隨一作逐流歸

上巳篇

張華

仁風導和氣句芒御昊春姑洗應時月元巳啓良辰密
雲陰朝日零雨灑微塵飛軒遊九野置酒會衆賓臨川
懸廣幕夾水布長茵徘徊存往古慷慨慕先真朋從白
遠至童冠八九人追好舞雩庭擬跡冰泗濱伶人理新
樂膳夫獻時珍八音礪磬奏肴俎從橫陳妙舞起齊趙
悲歌出三秦春醴踰九醞冬清過十旬盛時不努力歲
暮將何因勉哉衆君子茂德景日新高飛舞鳳翼輕舉
攀龍鱗

三月三日從華林園

荀勗

清節中季春姑洗通滯塞玉輅扶淥池臨川蕩苛慝

三月三日臨曲水

庾闡

暮春濯清汜遊鱗泳一壑高泉吐東岑洄瀾自淨舉臨
川疊曲流豐林映綠薄輕舟沈飛觴鼓柁觀魚躍

三日

心結湘川渚目散冲霄外清泉吐翠流淥醕漂素瀨悠
想盼長川輕瀾渺如帶

七月七日

李克

朗月垂玄景洪漢截皓蒼牽牛難牽牛一作織女守空
箱一作河廣尚可越怨此漢無梁

七夕觀織女

王鑒

牽牛悲殊館織女悼一作離家一稔期一宵此期良可

一作嘉赫奕玄門開飛閣鬱嵯峨隱隱驅千乘闐闐越

星河六龍奮璿轡文螭負瓊車火丹秉瑰燭素女執瓊

華絳旗若吐電朱一作葢如振霞雲韶何嘈噉靈鼓鳴

相和停軒佇一作高盼眷予在岷峨澤因芳露沾恩附

蘭風加明發相從遊翩翩鸞鷺羅同遊不同觀念子憂

怨多敬因三祝未以爾屬皇娥

七日詠織女

蘇彥

火流涼風至少昊協素藏織女思北沚牽牛嘆南陽時
來嘉慶集整駕巾玉箱瓊珮垂藻蕤霧裾結雲裳金翠

耀華輜駟散流芳釋轡紫微庭解衿碧琳堂歡讌未
及究晨暉照扶桑仙童唱清道盤螭起騰驤悵悵一宵
促遲遲別日長

九月九日

巳酉歲作

陶淵明

靡靡秋已夕淒淒風露交蔓草不復榮園木空自凋清
氣澄餘滓杳然天界高哀蟬無歸響叢雁鳴雲霄萬化
相尋繹人生豈不勞從古皆有沒念之中心焦何以稱
我情濁酒且自陶千載非所知聊以永今朝

九日閒居

余閒居愛重九之名秋菊盈園而持醪
靡山空服九華寄懷於言

世短意常多斯人樂久生日月依辰至舉俗愛其名露

淒暄風息氣澈天象明往燕無遺影來鴈有餘聲酒能
祛百慮菊爲制頽齡如何蓬廬士空視時運傾塵爵耻
虛囂寒華徒自榮歛襟獨閒謠緬焉起深情棲遲固多
娛淹留豈無成

冬至

李氏

靈象尋數迴四氣憑運散陰律鼓微陽大明啓脩旦感
與時來興心隨逝化歎式宴集中堂賓客盈朝館

蜡日

陶淵明

風雪送餘運無妨時已和梅柳夾門植一條有佳花我
唱爾言得酒中適何多未能明多少章山有奇歌

七夕 二首

宋孝武帝

白日傾晚照，弦月升初光。
炫炫葉露滿，蕭蕭庭風揚。
瞻言媚天漢，幽期濟河梁。
服箱從奔軺，紈綺闕成章。
解帶遽迴軫，誰云秋夜長。
愛聚雙情款，念離兩心傷。
開庭鏡天路，餘光不可臨。
泂風披弱縷，迎輝貫玄鍼。
斯藝成無取，時物聊可尋。

七夕詠牛女

南平王鑠

秋動清風扇，火移炎氣歇。
廣簷含夜陰，高軒通夕月。
安步巡芳林，傾望極雲闕。
組幘紫漢陳，龍駕凌霄發。
誰云長河遙，頗覺一作劇促筵悅。
沈情未申寫，飛光已飄忽。
來

難期今歡自茲沒

奉和

謝莊

輟機起春暮，停箱動秋衿。
璇居一作車照漢右，芝駕肅河陰。
容裔泛星道，逶迤濟煙津。
陸離迎宵佩，倏爍望昏簪。
俱傾環氣怨，共歇浹年心。
珠殿釭未沫，瑤庭露已深。
夕一作夜清豈淹拂，弦輝無久臨。

奉和

謝靈運

火逝首秋節，新明弦月夕。
月弦光照戶，秋首風入隙。
凌峰步曾巖一作峯，憑雲肆遙脉。
徙倚西北庭，踈踊東南覲。
紈綺無報章，河漢有駿軌。

奉和

謝惠連

落日隱欄楹升月照簾

一作房

櫳團團蒲葉露析析振條

風蹠足循廣除瞬目矚曾穹雲漢有靈匹彌年闕相從

遐川阻暱愛脩渚曠清容弄杼不成藻聳轡驚前蹤昔

離秋已兩今聚夕無雙傾河易迴幹欵顏

一作情

難久棕

沃若靈駕旋寂寥雲幄空留情顧華寢遙心逐奔龍沈

吟為爾感情深意彌重

車駕幸京口三月三日侍遊曲阿後湖作

顏延之

虞風載帝狩夏諺頌王遊春方動宸駕望幸傾五州山

祇蹕嶠路水若警滄流神御出瑤軫天儀降藻舟萬軸

胤行衛千翼汎飛浮彫雲麗璇蓋祥飈被綵旂江南進

荆豔河激獻趙謳金練照海浦笳鼓震溟洲藐眄靚青

崖衍漾觀綠疇民靈騫都野鱗翰聳淵丘德禮既普洽

川嶽徧懷柔

三月三日曲水集

謝惠連

四時著平分三春稟融爍遲遲和景婉天天園桃灼携

朋適

一作斯

郊野昧爽

一作旦

辭

屬廓蜚雲興翠嶺芳飈起

華薄解轡偃崇丘藉草繞迴壑際渚羅時簌託波汎輕

爵

三日遊南苑

鮑照

採蘋及華月追節逐芳雲騰雋溢林疏麗日擘山文清
潭圓翠會花薄綠綺紋合樽遠景斜折榮委組芬

三日

氣暄動思心柳青起春懷時豔憐花藥服淨俛登臺提
觴野中飲愛心一作心愛煙未開露色染春草泉源潔水苔
泥泥濡露條嫋嫋承風栽鳧雛掇苦薺黃鳥銜櫻梅解
衿欣景預臨流競覆杯美人竟何在浮心空自摧

為織女贈牽牛

顏延之

婺女儷經星姮娥棲飛月慙無二媛靈託身侍天闕閭

闔殊未暉咸池豈沐髮漢陰不文張長河為誰一作誰是越

雖有促讌期方湏涼風發虛計雙曜周空遲三星沒非
怨杼軸勞但念芳菲歇

七夕月下

王僧達

遠山歛氛侵廣庭揚月波氣往風集隙秋還露泫柯節
氣一作期既已辱一作屏中宵振綺羅來歡詎終夕收淚泣

分河

和王義興七夕

鮑照

宵月向掩扉夜霧方當白寒機思孀婦秋堂泣征客匹
命無單年偶影有雙夕暫交金石心湏臾雲雨隔

冬至

舟遷莊甚笑水流孔急歎景移風度改日至晷廻換眇
眇負霜鶴皎皎帶雲鴈長河結欄玕層冰如玉岸哀哀
古老容慘顏愁歲晏催促時節過逼迫聚離散美人還
未央鳴箏誰與彈

冬至

傅亮

星昴殷仲冬短晷窮南陸柔荔迎時萋芳芸應節馥

前題

袁淑

連星貫初曆令月臨首歲薦樂行陰政登金一作贊陽

滯收涼降天德萌華宣地惠司瑞記一作夜晞書雲

朝誓

蜡除

張望

玄靈告稔謝青龍駕拂軫鮮冰迎流結凝雷垂簷實人
欣八蜡暢詎知歲聿盡

七夕

梁武帝

白露月下團秋風枝上鮮瑤臺含碧霧羅幕生紫煙妙
會非綺節佳期乃涼年玉壺承夜急蘭膏依曉煎昔悲
漢難越今傷河易旋怨咽雙念斷悽悼一作兩情懸

正月八日燃燈

應令

簡文帝

藕樹交無極花雲衣數重織竹能為象縛荻巧成龍落

灰然葢盛垂油濕畫峯天宮倘若見燈王願可逢

三月三日率爾成章

芳年多美色麗景復妍遙握蘭唯是日採艾亦今朝
迺沙溜碧水曲岫散桃夭綺花非一種風絲亂百條雲起
相思觀日照飛虹橋繁華炫姝色燕趙豔妍妖金鞍汗
血馬寶髻珊瑚翹蘭馨起縠袖蓮錦束瓊腰相看隱綠
樹見人還自嬌玉柱鳴羅薦磔枕泛迴潮洛濱非拾羽
蒲握詎貽椒

奉和

沈約

麗日屬元巳年芳具在斯開花已匝樹流嚶復蒲枝洛

陽繁華子長安輕薄兒東出千金堰西臨鴈鷺陂遊絲
應空轉高楊拂地垂綠幘文照耀紫燕光陸離清晨戲
伊水薄暮宿蘭池象筵鳴寶瑟金瓶泛羽卮寧憶春蠶
起日暮桑欲萎長袂屢已拂彫胡方自炊愛而不可見
宿昔減容儀且當忘情去歎息獨何為

上巳侍宴林光殿曲水

簡文帝

芳年留帝賞應物動天襟挾苑連金陣分衢度羽林帷
宮對廣掖層殿邇高岑風旗爭曳影亭臯一作午共生陰
林花初墮蒂池荷欲吐心

奉和

沈約

宴鎬鏘玉鑾遊汾舉仙輶榮光泛彩旄脩風動芝蓋淑
氣婉登晨天行聳雲旆帳殿臨春籞帷宮繞芳薈漸席
周羽觴分墀引迴瀨穆穆玄化升濟濟皇階泰將御遺
風軫遠侍瑤臺會

奉和

劉孝綽

薰被三陽暮濯袂元巳初皇心睠樂飲帳殿臨春渠豫
遊高夏諺凱樂盛周居復以焚林日丰茸花樹舒羽觴
環塔轉清瀾傍席疏妍歌已嘹亮妙舞復紆餘九成變
絲竹百戲起龍魚

奉和

劉孝威

二龍巡夏代八駿馭周朝豫遊光帝則樂飲盛民謠皇
儲遵洛襖濫觴追灞橋掌袂開神籞司馬動鑾鑣周旗
交采眊晉鼓雜清簫旌宮臨廣隰藻衛爍巖椒蘭樽沿
曲岸靈若泝迴潮

七夕穿針

簡文帝

憐從帳裏出想見夜窓開針歆疑月暗縷散怪風來

奉和

劉孝威

縷亂恐風來衫輕羞指現故穿雙眼針持縫合歡扇

奉和

劉遵

步月如有意情來不自禁向光抽一縷舉袖弄雙針

七夕

簡文帝

秋期此時浹長夜徒河靈紫煙凌鳳羽紅光隨玉駟洛陽疑劍氣成都怪客星天梭織來久方逢今夜停

九日

大同八年作

大君重九節下輦上林中酒闌嘉宴罷車騎各西東時余守西掖脂車歸北宮車分獨坐道扇拂冶城風落照灑中蒲浮煙槐外通長樂含初紫安榴拆晚紅

九日賦韻

是節協陽數高秋氣已精簷芝逐月啓帷風依夜清遠燭承歌黛斜橋聞履聲染塵下未息共愛賞心并

三日侍安成王曲水宴

劉孝綽

匯澤良孔殷分區屏中縣躡跨兼流采襟喉邇封甸吾王奄艷畢析珪承羽傳不資魯俗移何待齊風變東山富遊士比土無遺彥一言白璧輕片善黃金賤餘辰屬上一作元已清夜追前諺持此陽瀨遊復展城隅宴芳洲亘千里遠近風光扇方歡厚德重誰言薄遊倦

三日侍蘭亭曲水宴

庾肩吾

策星依夜動鑾駕總朝遊旌門臨苑樹相風出鳳樓春生露泥泥天覆雲油油桃花舒玉澗柳葉暗金溝襍川分曲洛帳殿掩芳洲躡躡頰魚出參差絳棗浮百戲俱

臨水千鍾共逐流

曲水聯句

春色明上已桃花落繞溝波迴厄不進綸下鈎時留臣導

絳水時迴岸花觴轉更周陳肴渡玉俎垂餌下銀鈎王臺

卿迴川入帳殿列俎間芳洲漢艾凌波出江楓拂岸遊

庾肩吾王生迴水碓蔡姬蕩輕舟岸燭斜臨水波光上映

樓殿下

五日望採拾

王筠

裁縫逗早夏點畫守初晨綃紈既妍媚脂粉亦香新長

絲表良節命一作縷應嘉辰結廬同楚客採艾異詩人

其花競鮮彩拭露染芳津含嬌起斜盼歛笑動微嚬獻

瑞依洛浦懷珮似江濱須待恩光接中夜奉衣巾

七夕

庾肩吾

玉匣卷懸衣針樓開夜扉姮娥隨月落織女逐星移離

前忿促夜別後對空機倩語雕陵鵲填河未可飛

奉使江州舟中七夕

九江逢七夕初弦值早秋天河來映水織女欲攀舟漢

使俱為客星槎共逐流莫言相送浦不及穿針樓

七夕

何遜

仙車駐七襄鳳駕出天潢月映九微火風吹百和香來

懽暫巧笑還淚已沾裳一作啼粧依稀如洛汭倏忽似高唐
別離未得語河漢漸湯湯

七夕穿針

柳惲

代馬秋不歸緇紈無復緒迎寒理衣縫映月抽纖縷的
皦愁盼光連娟思着聚清露下羅衣秋風吹玉柱流陰

稍已多一作流景對秋夕

餘光欲誰與一作難駐

為織女贈牽牛

沈約

紅粧與明鏡二物本相親用持施點畫不照離居人往
秋雖一照一照復還塵塵生不復拂蓬首對河津冬夜
寒如此寧遽道陽春初商忽云至暫得奉衣巾施衿已

成故每聚忽如新

代牽牛答織女

王筠

新知與生別由來儻相值如何一作豈如寸心中一宵懷兩
事歡娛未繾綣倏忽成離異終日遙相望祗益生愁思
猶想今春悲尚有故年淚忽遇長河轉獨喜涼飈至奔
精翊鳳軫織阿警龍轡

望織女

范雲

盈盈一水邊夜夜空自憐不辭精衛苦河流未可填寸
情百重結一心萬處懸願作雙青鳥共舒明鏡前

詠織女

一作劉孝威

劉孝儀

金鈿已照曜白日未蹉跎欲待黃昏後一作至含嬌渡淺河

答唐娘七夕所穿鍼

劉氏俗非甚

倡人効漢女靚粧臨月華連鍼學竝蒂縈縷作開花孀
閨絕綺羅攬贈自傷嗟雖言未相識聞道出良家曾停
霍君騎經過柳惠車無由一共語暫看日升霞

九日侍宴樂游苑

庾肩吾

轍跡光周頌巡遊盛夏功鉤陳萬騎轉闐闐九關通秋
暉逐行漏朔氣繞相風獻壽重陽節迴鑾上苑中疏山
開輦道間對出離宮玉醴吹巖一作承苑菊銀牀落井桐御

梨寒更紫仙桃秋轉紅飲羽山西射浮雲冀北驄塵飛
金埒滿葉破柳條空騰猿疑矯箭驚鴈避虛弓彫材濫
杞梓花綬接鸚鴻愧乏天庭藻徒參文雅雄

前題

為西封侯作

何遜

皇德無餘讓重規襲帝勛垂衣化比屋睠顧慎為君翽
飛悅有道卉木荷平分宸襟動時豫歲序屬涼氛城霞
旦晃朗槐霧曉氤氳鸞輿和八襲鳳駕啓千羣羽觴懽
湛露佾舞奏承雲禁林終宴晚華池物色曛疏對翻高
葉寒流聚細紋晴軒連瑞氣同一作飛惹御香芬日斜迢
遞宇風起差峩雲運偶叅侯服恩洽厠朝聞於焉藉多

幸歲暮仰遊汾

前題 一云侍宴正陽堂

劉苞

六郡良家子幽并遊俠兒立乘爭飲羽側騎競紛馳鳴
珂飾華眊金鞍映玉羈膳羞殫海陸和齊眠秋宜雲飛
雅琴奏風起洞簫吹曲終高宴罷景落樹陰移微薄承
嘉惠飲德良不貲取効績無紀感恩心自知

前題

任昉

帝德峻韶夏王功書頌平共貫公五勝獨道邁三英我
皇撫歸運時乘信告成一唱華鍾石再撫被綵笄黃
歸雒水梯山薦玉榮時來濁河變瑞起温洛清物色動

定春民豫 一作務 隆皇情

九日

王修已

霜威始落翠寒氣初入堂隋珠爛似燭懸黎疑夜光舞
步因絃折歌聲隨袂揚夜深聞漏緩簷虛覺唱長

九日酌菊酒

劉孝威

露花疑始摘羅衣似適薰餘杯度不取欲持嬌使君

歲盡 應今

庾肩吾

歲序已云殫春心不自安聊開栢葉酒試奠五辛盤金
薄圖神燕朱泥却 一作印 鬼丸梅花應可折倩為雪中看

其內人夜坐守歲

徐君倩

歡多情未極賞至莫停杯酒中喜桃子粽裏覓楊梅簾
開風入帳燭盡炭成灰勿疑鬢釵重爲待曉光催

同平南弟元日思歸

陳後主

至德掩義黃成功邁禹湯儀刑元四海來庭盛萬方鳴
玉觀升降擊石乃鏗鏘三春氣色早九疑煙霧長浮雲
斷更續輕花落復香北宮瞻遠岫南服阻遙江爾言想
伊洛我思屬瀟湘

立春日汎舟玄圃各賦一字六韻成篇

春光反禁苑曖日暖源桃霄煙近漠漠暗浪遠滔滔石
苔侵綠蘚岸草發青袍迴歌逐轉檝浮水隨度刀遙看

柳色嫩廻望鳥飛高自得欣爲樂忘意若臨濠

獻歲立春光風具美汎舟玄圃各賦六韻

寒輕條已翠春初未囀禽野雪明巖曲山花照迴林苔
色隨水溜樹影帶風沈沙長見水落歌遙覺浦深餘輝
斜四戶流風颺八音旣此留連席逾欣放曠心

袞襖汎舟春日玄圃各賦七韻

園林多趣賞袞襖樂還尋春池已渺漫高枝自從森日
裏絲光動水中花色沈安流淺易榜峭壁迴難臨野鶯
添管響深岫接鏡音山遠風煙麗苔輕激浪侵置酒來
英雅嘉賢良所欽

春色禊辰盡當曲宴各賦十韻

餘春尚芳菲中園飛桃李是時乃季月茲日計上巳既
有遊伊洛可以袞溱洧得性足為娛高堂聊復擬高堂
亦有趣圖續此芳軌棲遁稱式驂善政日馴雉蘭桂觀
往轍簪裾躡前趾啼禽靜或喧花落低還起水霧遙混
襟山雲遠相似坐客聽一言隨吾祛俗鄙

上巳宴麗暉殿各賦一字十韻

芳景滿闌牕暄光生遠阜更以登臨趣還勝袞袞酒日
照源上桃風搖城外柳斷雲仍合霧輕霞時映牖遠樹
帶山高嬌鶯含響偶一峯遙落日數花飛映綬度鳥或


遙檐飄絲屢薄藪言志遞為樂置觴方薦壽文學且迺
筵羅綺令陳後干戈幸勿用寧須勞馬首

上巳玄圃宣猷堂禊飲同共八韻

綺殿三春晚玉燭四時平藤交近浦暗花照遠林明百
戲堦庭滿八音弦調清鶯喧襟管韻鐘響帶風生山高
雲氣積水急溜杯輕簪纓今盛此俊又本多名羣才盡
壯思文采發雕英樂是西園日歡茲南館情

上巳玄圃宣猷嘉辰禊酌各賦六韻以次成篇

園開簪帶合亭迴春芳過鶯度遊絲斷風駛落花多峰
幽來鳥轉洲橫擁浪波歌聲初出牖舞影乍侵柯面玉



同釵玉衣羅異草蘿既悅弦筒暢復歡文酒和

七夕宴樂脩殿各賦六韻

秋初芰荷殿寶帳芙蓉開玉笛隨弦上金鈿逐照迴釵
光搖玳瑁柱色輕玫瑰笑靨人前歛衣香動處來非同
七襄駕詎隔一春梅神仙定不及寧用流霞杯

七夕宴玄圃各賦五韻

殿深炎氣少日落夜風清月小看針暗雲開見縷明絲
調聽魚出吹響間蟬聲度更銀燭盡陶暑玉卮盈星津
雖可望詎得似人情

七夕宴

序曰初伏七夕已覺微涼既引應徐且命
燕趙清風朗月以望七襄之駕置酒陳樂

各賦四韻之篇

廣席多才俊重合引姝妍管絃檐外響羅綺樹中鮮舉
針還向月上儂復依筵度河將 殿相看併是仙

七夕宴重詠牛女各為五韻

明月照高臺仙駕忽裴徊雷徒聞車度霞上見粧開房
移看動馬斗轉望斟杯靨色隨星去髻影襍雲來更覺
今宵短只遽日輪催

同管記陸瑛七夕五韻

亭亭秋月明團團夕露輕鳳駕今時度霓騎此宵迎疏
上采霞動粉外白雲生故嬌隔分別新歡起舊情含笑

五言古詩 卷二十一 十一
不終夜香風空自停

同管記陸瑜七夕四韻

河漢言清淺相望限煙霄雲生劒氣沒槎還客宿遙月上仍爲鏡星連可作橋唯當有今夕一夜不迢迢

五言同管記陸瑜九日觀馬射

晴朝麗早霜秋景照堂皇
榦慘風威切荷彫池望荒樓
高看鴈下葉散覺山涼
歇霧含空翠新花濕露黃
飛禽接旆影度日轉鉞光連
翻北幽騎馳射西園傍
勒移礮色鞭起珊瑚揚已同
過隙遠更異良弓藏且觀千里
汗仍瞻百步楊非爲從逸賞方追塞外羗

五言畫堂良夜履長在節歌管賦詩迺筵命酒十韻成篇

季冬初陽始寒氣尚蕭颯原葉或委低岫雲時吐欲離樹乍踈迴遠峰自重沓雲興四山霾風動萬籟答肅肅凝霜下峩峩層氷合複殿可以娛於茲多延納迢迢百尺觀杳杳三休閣前後訓導屏左右文衛匝進退簪纓移縱橫壯思襍幸矣天地泰當無范睢拉

三日待宴宣猷堂曲水

江總

上巳娛春襖芳辰喜月離北宮命簫鼓南館列旌麾繡柱擎飛閣雕軒傍曲池醉魚沈遠岫浮棗漾清漪落花

懸度影飛絲不礙枝樹動丹樓出山斜翠磴危禮周羽
爵遍樂闋光陰移

七夕

漢曲天榆冷河邊月桂秋婉變期今夕飄飄渡淺流輪
隨列宿動一作轉路逐彩雲浮橫波翻瀉淚束素友緘愁
此時機杼息獨向紅粧羞

衡州九日

秋日正淒淒茅茨復蕭瑟姬人薦初醞幼子問殘疾園
菊抱黃華庭榴剖珠實聊以著書情暫遣他鄉日
於長安歸還揚州九月九日行薇山亭賦一云長安九日

心逐南雲逝

一作去形一作

隨北鴈來故鄉

一作園籬下坊

今日幾花

一作為誰開

元會

北魏褚綰

帽上箸籠冠袴上箸朱衣不知是今是不知非昔非

晦日汎舟

應詔

盧元明

輕灰吹上管落莫飄下蒂遲遲春色華晚晚年光麗

前題

北齊魏收

裊裊春枝弱關關新鳥呼棹唱忽逶迤菱歌時顧慕睿
賞芳月色宴言忘日暮游豫慰人心照臨康國步

五日

崔巨倫

五月五日時天氣已大熱狗便呀欲死牛復喘吐一作吐舌

奉和元日

北齊蕭愨

帝宮通夕燎天門拂曙開瑞雲生寶鼎榮光上露臺華山不凋葉宜城萬壽杯遙見飛鳧下懸知葉縣一作來人日登高侍宴

陽休之

廣殿麗年輝上林起春色風生拂彫輦雲迴浮綺翼

三日華林園公宴

邢邵

迴鑾自樂野弭蓋屬瑤池五丞接光景七友樹風儀芳春時欲遽覽物惜將移新萍已冒沼餘花尚滿枝草滋

徑蕪沒林長山蔽虧芳筵羅玉俎激水漾金卮歌聲斷

以一作且續舞袖合還離

五日

魏收

麥涼殊未畢蜩鳴早欲聞喧林尚黃鳥浮天已白雲辟兵書鬼字神印題靈文因想蒼梧郡茲日記東君

七夕

邢邵

盈盈河水側朝朝長歎息不恡漸衰苦波流詎可測秋期忽云至停梭理容色束衿未解帶迴鑾已沾軼不見眼中人誰堪機上織願逐青鳥去斲因希羽翼

奉和冬至應教

蕭愨

五言古詩 卷二十九 二十一
天宮初動磬緹室已飛灰暮風吹竹起陽雲覆石來拆
水開荔色除雪出蘭栽慙無宋玉辨濫吹楚王臺

蜡節

魏收

凝寒迫清祀有酒宴嘉平宿心何所道藉此慰中情

正旦上司憲府

周庾信

詰且啓門闌繁辭湧筆端蒼鷹下獄吏獬豸飾刑官司
朝引玉節盟載捧珠盤窮紀星移次歸餘律未殫雪高
三尺厚水深一丈寒短筍猶埋竹香心未起蘭孟門久
失路扶搖忽上搏栖烏還得府棄馬復歸欄榮華名義
重虛薄報恩難枚乘還起疾貢禹遂彈冠方垂蓮葉劍

才用竹根丹一知懸象法誰思垂釣竿

和人日晚景宴昆明池

春餘

一作春餘

足光景趙李舊經過上林柳腰細新豐酒徑

一作

多小船行釣鯉新盤待摘荷蘭臯徒稅駕何處有

凌波

九日從駕

王褒

黃山獵地廣青門官路長律改三秋節氣應九鍾霜曙
影初分地暗色始成光高旆長楸坂緹幕杏間堂射馬
垂雙帶豐貂佩兩璜苑寒梨樹紫山秋菊葉黃華露霏
霏冷輕颺颯颯涼終慙屬車對空假侍中郎

獻歲讌宮臣

隋煬帝

三元建上京六佾宴吳城朱庭容衛肅青天春氣明朝
光動劔綵長階分珮聲酒闌鐘磬息欣觀禮樂成

奉和

虞世南

履端初起節長苑命高筵肆夏喧金奏重潤響朱絃春
光催柳色日彩泛槐煙微臣同濫吹謬得仰鈞天

正月十五日于通衢建燈

煬帝

法輪天上轉梵聲天上來燈樹千光照花燄七枝開月
影凝流水春風含夜梅旛動黃金地鍾發琉璃臺

奉和

諸葛穎

芳衢澄夜景法炬爛參差逐輪時徒燄桃花生落枝飛
煙繞定室浮光映瑤池重閣登臨罷歌管乘空移

冬至乾陽殿受朝

煬帝

北陸玄冬盛南至晷漏長端拱朝萬國守文繼百王至
德慙日用治道愧時康新邑建嵩嶽雙闕臨洛陽圭景
正八表道路均四方碧空霜華淨朱庭皎日光纓珮旣
濟濟鐘鼓何鏗鏗文戟翊高殿采賄分脩廊元首之明
哲股肱貴惟良舟楫行有寄庶此王化昌

奉和

牛弘

恭已臨萬寓宸居御八埏作貢菁茅集來朝圭黻連司

儀三揖盛掌禮九賓虔重欄映如壁復殿繞非煙

奉和

許善心

森森羅陛衛噦噦鏘璫璫禮殫五瑞輯樂闕九功成

奉和從叔光祿愔元日早朝

李孝貞

銅渾變春節玉律動年灰曖曖城霞旦隱隱禁門開眾

靈湊仙府百神朝帝臺葉令雙鳧至梁王駟馬來戈鋌

映林闕歌管沸塵埃保章望瑞氣尚書滅火災冠冕多

秀士簪裾饒上才誰憐張仲蔚日暮返蒿萊

人日思歸

薛道衡

入春纔七日離家已二年人歸落鴈後思發在花前

上巳禊飲

盧思道

山泉好風口

一作景

城市厭囂塵聊持一樽酒共尋千里

春餘光下幽桂夕吹舞青蘋何言出關後重有入林人

七夕 二首

王春

天河橫欲曉鳳駕儼應飛落月移粧鏡浮雲動別衣權

逐今宵盡愁隨還路歸猶將宿昔淚更上去年機

終年恒美杼今夕始停梭卻鏡看斜月移車渡淺河長

裙動星珮輕帳揜雲羅舊愁雖暫止新愁還復多

七夕看新婦隔巷停車

一作陳伯材

陳子良

隔巷遙停幘非復為來遲只言更尚淺未是渡河時

歲窮 應教

薛道衡

故年隨夜盡 初春逐曉生 方驗從軍樂 飲至入西京

天

山

十里

詩所第三十卷

五言古詩

夏詩

魏文帝

夏時饒溫和 避暑就清涼 北坐高閣下 延賞作名倡 嘉穀重疊來 珍果在一傍 碁局從橫陳 博奕合雙揚 功出更勝負 歡美樂人腸 從朝至日夕 安知夏節長

秋詠

劉楨

秋風從東來 玄雲升西山 中夜發此氣 明日飛甘泉

前題

應璩

窮秋日苦短 遙夜何緜緜 貧士感此時 慷慨不能眠

春詠

一作鮑照

晉陸機

五言古詩 卷三十一
節運同可悲莫若春氣甚和風未及燠遺涼清且凜

前題

張協

太昊啓東節春郊禮青祗鷹化日夜分雷動寒暑離飛
澤洗冬條浮飈解春澌采虹纓高雲文虬鳴陰池沖氣
扇九垓蒼生衍四垂時至萬寶成化周天地移

前題

郭璞

青陽暢和氣谷風穆以溫英蔭曄林蒼昆蟲咸啓門高
臺臨迅流四坐列王孫羽蓋停雲陰翠鬱映玉樽

夏日

羲和騁丹衢朱明赫其猛融風拂晨霄陽精一何罔閒

字靜無娛端坐愁日永

前題

李頤

炎光爍一作爍南溟溽暑融三夏霪霪重雲蔭砰稜震雷

叱

苦熱

傅玄

朱明運將極溽暑晝夜興裁動四支廢舉身若山陵珠
汗洽玉體呼吸氣鬱蒸塵垢自成泥素粉隨手凝

夏日和胡西曹

示顧賊曹

陶淵明

蕤賓五月中清朝起南颺不駛亦不遲飄飄吹我衣重
雲蔽白日開雨紛微微流目視西園曄曄榮紫葵於今

五言古詩

卷三十一

二

甚可愛奈何當復哀感物願及時每恨靡所揮悠悠待
秋稼寥落將賒遲逸想不可淹猖狂獨長悲

秋詠

一云爲顧彥先作

陸機

肅肅素秋節湛湛濃露凝太陽夙夜降少陰忽已升

前題

張載

靈象運天機日月如激電秋風兼夜戒微霜淒舊院嘉
禾頡蘭圃芳草悴芝畹嚶嚶南翔鴈翩翩辭歸燕玉肌
隨爪素噓氣應口見斂襟思輕衣出入忘華扇覩物識
時移顧景知節變

前題

江道

祝融解炎纒薜收取涼駕高風催節變凝露督物化長
林悲素秋茂草思朱夏鳴鴈薄雲嶺蟋蟀吟深榭寒蟬
向一作竟夕號驚飈激中夜感物增人懷悽然無欣暇

秋日

孫綽

蕭瑟仲秋日飈唳風雲高山居感時變遠客興長誼疎
林積涼風虛岫結凝霄湛露灑庭林密葉辭榮條撫菌
一作悲先落鬱一作攀松羨後凋垂綸在林野交情遠市
朝澹然懷古心濠上豈伊遙

咏冬

傅玄

季冬時慘烈猛寒不可勝嚴風截人耳素雪墜地凝草

上飛霜起波水自生冰未夕結重金崇朝不敢興

前題 一云冬一至

潘尼

渾儀賦四氣玉衡運招搖靈晷脩斯夕日南始令朝

前題

曹毗

縣邈冬夕一作宵永凜厲寒氣升離葉向晨落長風振條

興夜靜輕響起天清月暉澄寒冰盈渠結素霜竟欄凝

今載忽已暮來紀一作正奄復仍

感冬篇

李頤

高陽攬玄轡太皞御冬始望舒游天策曜靈協燕紀

初秋

宋孝武帝

夏盡炎氣微火息涼風生綠草未傾色白露已盈庭遠

視秋雲發近聽寒蟬鳴運移矜物化川上感餘情

秋夜

局景薄西隅升月照東垂肅肅風盈幕泫泫露傾枝側

聞飛壺急坐見河宿移觀辰念節變感物矜乖離

春思

謝惠連

夕坐苦多慮行歌踐閨中房櫳引傾月步檐結春風

春羈

鮑照

征人歎道遐去鄉愒路邇佳期每無從淮陽非尺咫春
日起游心勞情出徙倚岫遠雲煙綿谷屈泉靡迤風起

五言古詩

卷三十一

四

花四散露濃條

暄妍正在茲摧抑多嗟思嘶聲名

一作

邊豈我箱中紙染翰餉君琴新聲憶解子

夏夜

呈從兄散騎車長沙

顏延之

炎天方埃鬱暑晏闕塵紛獨靜闕偶坐臨堂對星分側
聽風薄木遙睇月開雲夜蟬當夏急陰蟲先秋聞歲候
初過半荃蕙豈久芬屏居惻物變慕類抱情殷九逝非
空思七襄無成文

秋懷

謝惠連

平生無志意少小嬰憂患如何乘苦心矧復值秋晏皎
皎天月明奕奕河宿爛蕭瑟含風蟬寥唳度雲鴈寒商

動清閨孤燈曖幽幔耿介繁慮積展轉長宵半夷險難
預謀倚伏昧前算雖好相如達不同長卿慢頗悅鄭生
偃無取白衣宦未知古人心且從性所翫賓至可命觴
朋來當染翰高臺驟登踐清淺一作波時陵亂頽鬼不再
圓傾羲無兩旦金石終銷毀丹青暫彫煥各勉玄髮歡
無貽白首歎因歌遂成賦聊用布親串

詠秋

鮑照

秋蘭徒晚綠流風漸不親飈我垂恩幕驚此梁上塵沈
陰安可久豐景將遂淪何由忽靈化暫見別離人

秋夜

二首

夜久膏既竭啓明日未央環情倦始復空閨一作起晨
裝幸承天光轉曲影入幽堂徘徊集通隙宛轉燭迴梁
帷風自卷舒簾露視成行歲役急窮晏生慮備溫涼絲
紈夙染濯綿綿夜裁張冬雪旦夕至公子乏衣裳華心
愛零落非直惜容光願君翦衆念且共覆前觴
遁跡避紛喧貨農棲寂寞荒徑馳野鼠空庭聚山雀既
遠人世歡還賴泉卉樂折柳樊場圃負綆汲潭壑霽日
見雲峯風夜聞海鶴江介早寒來白露先秋落麻壟方
結葉瓜田已掃籜傾暉忽西下迴景思華幕攀蘿席中
軒臨觴不能酌終古自多恨幽悲共淪鑠

秋日 示休上人

枯桑葉易零疲客心易驚今茲亦何早已聞絡緯鳴迴
風滅且起卷蓬息復征愴愴簞上寒悽悽帳裏清物色
延暮思霜露逼朝榮臨堂觀秋草東西望楚城百物方
蕭瑟坐歎從此生

秋夕

慮涕擁心用夜默發思機幽閨溢涼吹閒庭滿清暉紫
蘭花已歇青梧葉方稀江上淒海戾漢曲驚朔霏髮斑
悟壯晚物謝知歲微臨宵嗟獨對撫賞怨情違躊躇空
明月惆悵徒深帷

和王護軍秋夕

散漫秋雲遠蕭蕭霜月寒驚飈西北起孤鴈夜往還開
軒當戶牖取琴試一彈停歌不能和終曲久辛酸金氣
方勁殺隆陽微且單泉涸甘井竭節徙芳歲殘生事各
多少誰共知易難投章心蘊結千里途輕紈願託孤老
暇觴思暫開餐

詠冬

謝惠連

七宿乘運曜三星與時滅履霜冰彌堅積寒風愈切繁
雲起重陰迴飈流輕雪園林粲斐皓庭除秀皎潔墀瑣
有凝汗一作逵衢無通轍

冬日

鮑照

嚴風亂山起白日欲還次曛霧蔽窮天夕陰晦寒地煙
霾有氛氲精光無明異風急野田空饑禽稍相棄舍生
共通閉懷賢敦為利天窺苟平圓盜得已偏媚瀉海有
歸潮衰容不還稚君今且安歌無念老方至

歲暮

謝靈運

殷憂不能寐苦此夜難顏明月照積雪朔風勁一作清且
哀運往無淹物年逝覺已一作易催

歲暮悲

鮑照

霜露迭濡潤草木互榮落日夜改運周今悲復如昨晝

五言古詩 卷三十一 七
色苦沈陰白雪夜迴薄
皦潔宵霜鴈飄揚出風鶴
天寒多顏苦妍容逐丹壑
絲罥千里心獨宿之然諾
歲暮美人還寒壺與誰酌

春詩

齊王儉

蘭生已匝苑萍開欲半池
輕風搖雜蘩細雨亂叢枝
風光承露照霧色點蘭暉
青莢結翠藻黃鳥弄春飛

共前春思

謝朓

茹谿發春水阡山起朝日
蘭色望已同萍際轉如一
巢燕聲上下黃鳥弄儔匹
邊郊阻遊行故人盈契濶
夢寐借假簧思歸頰倚瑟
幽念漸鬱陶山楹永爲室

夏始和劉潺陵

威仰弛蒼郊龍曜表皇隰
春色卷遙甸炎光麗近邑
白蘋望已騁緗荷紛可襲
徒願尺波旋終憐寸景戢
對窻斜日過洞幌鮮飈入
浮雲去欲窮暮鳥飛相及
柔翰纈芳塵清源非易揖
迴江難絕濟云誰暢佇立
良宰勗夜漁出入事朝汲
積羽余旣裳更賦子盈粒
椅梧何必零歸來共棲集

夏日

一云出下館

麥候始清和涼雨銷炎燠
紅蓮搖弱荇丹藤繞新竹
物色盈懷抱方駕娛耳目
零落旣難留何用存華屋

秋夜

秋夜促織鳴南鄰搗衣急思君隔九重夜夜空佇立北
窻輕幔垂西戶月光入何知白露下坐視階前濕誰能
長分居秋盡冬復及

冬緒羈懷

示蕭詒議虞田曹劉江二常侍

去國懷丘園入遠滯城闕寒燈耿宵夢清鏡悲曉髮風
草不留霜水池共如月寂寞此閒帷琴尊任所對客念
坐嬋媛年華稍菴蔓夙慕雲澤遊共奉荆臺績一作一
聽春鶯喧再視秋虹沒疲驂良易返恩思作波不可越
誰慕臨淄鼎常希茂陵渴依隱幸自從求心果蕪昧方

軫歸與願故山芝未歇

寒晚敬和何徵君點

王融

踈酌候冬序閒琴改秋律如何將暮天復值西歸日搖
落迎軒牖飛鳴亂繩草煙灌共深陰風篁兩蕭瑟虛堂
無笑語懷君首如疾早輕北山賦晚愛東臯逸上德可
潤身下澤有徐轡

春日想上林

梁簡文帝

春風本自奇楊柳最相宜柳條恒著地楊花好上衣處
處春心動常惜光陰移西京董賢館南苑習都池荇間
魚共樂桃上鳥相窺香車雲母幃駛馬黃金羈

春日 二首

年還樂應滿春歸思復生
 桃含可憐紫柳發斷腸青
 落花隨燕入游絲帶蝶驚
 邯鄲歌管地見許欲留情
 花開幾千葉水覆數重衣
 蝶颺縈空舞燕作同心
 飛歌妖弄曲罷鄭女挾琴歸

晚春 一作昭明

紫蘭葉初滿黃鶯弄不始一作稀
 石蹲還似獸蘿長更一作
 勝如衣水曲一作東文魚聚林暝
 鴉鳥飛渚蒲變新節巖
 桐長舊園風花落未已
 山齋開夜扉

和湘東王首夏

冷風雜細雨垂雲助麥涼
 竹水俱葱翠花蝶兩飛翔
 燕泥銜復落鷓吟歛更揚
 臥石藤爲纜山橋樹作梁
 欲待華池上明月吐清光

納涼梧下

斜日晚駸駸池塘生半陰
 避暑高梧側輕風時入襟
 落花還就影驚蟬乍失林
 遊魚吹水沫神蔡上荷心
 翠竹垂秋采丹棗映疎砧
 無勞夜遊曲寄此託微吟

奉和

庾肩吾

北園涼氣早步輦暫逍遙
 避日交長扇迎風列短簫
 山帶彈琴曲桐橫棲鳳條
 懸門開溜水錦石鎮浮橋
 黑米

生菰葉

一作葍

青花出稻苗無因學儂藻雲氣徒飄颻

玄圃納涼

簡文帝

登山想劍閣逗浦憶辰陽飛流如凍雨夜月似秋霜螢
翻競晚熱蟲思引秋涼鳴波如礙石聞草別蘭香

奉和

劉綏

清氣流暄濁非關狹室中當由小堂上自有大王風蟪
蛄動蘭室神飈起桂叢披襟深睿賞曲巷何由同

薄晚逐涼北樓迴望

簡文帝

平衢望如掌曾雉曉相連斷雲留去日長山減半天巖
鳧乘汰下漁舟冒浪前

奉和

庾肩吾

向夕紛誼屏追涼飛觀中樹影臨城日牕含度水風遙
天如接岸遠帆似凌空陪文慙宋玉徒等待蘭宮

晚景納涼

簡文帝

日移涼氣散懷抱信悠哉珠簾影空捲桂戶向池開鳥
一作鳥棲星欲見河淨月應來橫階入細笋蔽地濕輕苔
草化飛爲火蚊聲合似雷於茲靜聞見自此歇氛埃

奉和

劉孝威

鐘鳴夜未央避暑起徬徨長河似曳素明星若散璫倚
巖欣石冷臨池愛水涼月纖張敞畫荷妖韓壽香對此

遊清夜何勞娛洞房

初秋

簡文帝

羽翼晨猶動珠汗晝恒揮秋風忽嫋嫋向夕引涼歸浮
陰卽染浪清氣始乘衣卷幌通河色開窓引一作望月輝
晚花欄下照疎螢簾上飛直置猶如此何況送將歸

秋詠

大同九年七月作

高樓闌左扇迴望依蘭橈晚風颺颺來落照參差好

秋夕

螢飛夜的的蟲思夕嘒嘒輕露沾懸井浮煙入綺寮檐
重月沒早樹密風聲饒池蓮翻罷葉霜條生寒條端坐

彌茲漏離憂積此宵

秋夜

高秋

一作盲風

度函谷墜露下芳枝綠潭倒雲氣青山銜月

規花心風上轉葉影樹中移

一作危

外遊獨千里夕嘆誰

共知

奉和

沈約

月落宵向分紫烟鬱氛氲曠曠螢入霧離離鴈度雲巴
童暗理瑟漢女夜縫裙新知樂如是久要詎相聞

秋晚

簡文帝

浮雲出東嶺落日下西江促陰橫隱壁長暉斜度窓亂

五言古詩 卷三十一 十二
霞圓綠水紅葉影飛缸

奉和

上黃侯曄

副君乘暇景臨秋坐北宮杏梁照初月蓮池引夕風清
暉洞藻井流香入綺櫳鵲聲時徙樹螢光乍滅空涼氛
散篔簹露色變林叢

初冬

大同十年十月戊寅作

簡文帝

喧塵是時息靜坐對重巒冬深柳條落雪後桂枝殘星
明霧色淨天白鴈行單雲飛乍想閣水結遠疑紈晚橘
隱重屏枯藤帶迥竿荻陰連水氣山峯添一作月寒

冬夕

大同十一年庚戌作

茲園植藝積山谷久紆威直興轉多緒真事亦因依是
節嚴冬景寒雲掩落暉遠聞風瑟瑟亂視雪霏霏浪起
川難渡林深人至稀山禽背逕走野鳥歷塘飛

玄圃寒夕

洞門扉未掩金壺漏已催曛煙生澗曲暗色起林隈雪
花無有帶冰鏡不安臺堦楊始倒插浦桂半新栽陳根
委落蕙細葢一作葉一作發香梅鴈去銜蘆上獺戲繞枝來

春日

元帝

春還春節美春日春風過春心日日異春情處處多處
處春芳動日日春禽變春意春已繁春人春不見不見

五言古詩 卷三十一 十三
懷春人徒望春光新春愁春自結春結詎能申欲道春
園趣復憶春時人春人竟何在空爽上春期獨念春花
落還以惜春時

奉和

鮑泉

新鶯始新歸新蝶復新飛新花滿新樹新月麗新輝新
光新氣早新望新盈抱新水新綠浮新禽新聽好新景
自新還新葉復新攀新枝雖可結新愁詎解顏新思獨
氛氲新知不可聞新扇如新月新葢學新雲新落連珠
淚新點石榴裙

和劉上黃春日

元帝

新鶯隱葉轉新燕向窻飛柳絮時依酒梅花乍入衣玉
珂逐風度金鞍映日暉無令春色晚獨望行人歸

望春

葉濃知柳密花盡覺梅疎蘭生未可握蒲小不堪書

納涼

高春斜日下佳氣滿欄楹池紅早花落水綠晚苔生星
稀月稍上雲開河尚橫白鳥翻帷暗丹螢入帳明珠綦
趨北閣玳席徙南榮金鋪掩夕扇玉壺傳夜聲

春思

沈約

楊柳亂如絲綺羅不自持春草黃復綠客心傷此時青

苔已結洧碧水復盈淇日華照趙瑟風色動燕姬襟前
萬行淚故是一相思

前題

一作吳均

王僧孺

雪罷枝即青冰開水便綠復聞黃鳥聲全作相思曲

初春

沈約

夾一作扶

道覓陽春相將共携手草色猶自腓林中都未

有無事逐梅花空教信楊柳且復共歸來含情寄杯酒

傷春

弱草半抽黃輕條未全綠年芳被禁籞煙花繞層曲寒

苔卷復舒冬泉斷方續早花散凝金初露泫成玉

登高望春

登高眺京洛街巷紛漠漠迴首望長安城闕鬱盤桓日
出照鈿黛風過動羅紈齊童躡朱履趙女揚翠翰春風
搖襍樹葳蕤綠且丹寶瑟玫瑰柱金羈玳瑁鞍淹留宿
下蔡置酒過上蘭解眉還復斂方知巧笑難佳期空靡
靡含睇未成歡嘉客不可見因君寄長歎

東郊望春

訓王建安雋

蕭子雲

金塘綠泉滿上園梨蕊落蛺蝶戀殘花黃鶯對妖一作餘

萼芳菲滿郊甸惠風生蘭薄子家冠蓋里我館幽棲郭

綠楊垂長溪便橋限清洛相去能幾許一水終疎索

五言古詩 卷三十一
十五
當春四韻同 左丞

江淹

雷萌山中草雲煦江上花流烟漾璇景輕風泛凌霞我
有幽蘭念銜意矚望斜友人殊未還獨慰簷前華

惜晚春

應劉秘書書

煙景抱空意蘅杜綴幽心心憂望碧葉涵影顧清林風
光多樹色露華翻蕙陰水苔方下蔓石蘿日上尋霞衣
已具帶仙冠不持一作待簪徒爲多委鬱精鬼還自臨始
獲瓊歌贈一點重如金山中有雜桂玉瀝乃共斟

感春冰遙和謝中書

二首

江臯桐始華歛衣望邊亭平原何寂寂島暮蘭紫莖芬

披好草合流爛新光生冰雪徒皦潔此焉空守貞
暮意歌上春悵哉望佳人擘洲之宿莽命爲瑤桂因觀
書術不變學古道恒真若作商山客寄謝丹水濱

春郊

虞羲

光風轉蕙晦香霧鬱蘭津暄遲蝶弄藹景麗鳥和春樵
歌暄龍暮漁柁亂江晨山中芳杜若依依獨思人

春遊

應教

蕭子暉

上林看草色河橋望日暉洛陽城閉晚金鞍橫路歸

前題

王筠

藜蘭已飛蝶楊柳半藏鴉物色相煎蕩微步出東家旣

同翡翠翼復如桃李花欲以千金笑迴君流水車

春日

二首和吳主簿

日照鴛鴦殿萍生鴈鷺池游塵隨影入弱柳帶風垂青

骹

一作鷗

逐黃口獨

一作別

鶴慘羈雌同衾遠遊說結愛久

相離於今方溘死寧演萱草枝

菴施心未發薜蘿葉欲齊春蠶方曳緒新燕正銜泥野

雉呼鷓雉庭禽挾子棲從君客梁後方晝掩春閨山川

隔道里芳草徒萋萋

春詠

金堤草非舊玉池泉已新風生似羊角雲上若魚鱗幽

閨多怨思停織坐嬌春芳華既零落方作向隅人

前題

吳均

春從何處來拂水復驚梅雲障青瑣闥風吹承露臺美

人隔千里羅幃閉不開無由得共語空對相思杯

前題

貽劉孝綽一作蕭子顯

蕭頊

淵水初流碧山櫻早發紅新禽爭弄響落葉亂從風拂

筵多軟榦映戶悉花叢誰云相去遠垂柳對高桐

前題

庾肩吾

桃紅柳絮白照日復隨風影出朱城外香歸青殿中水

映寄生竹山橫半死桐頌文知渥重搦札媿才空

奉和春夜 應令

春牖對芳洲珠簾新上鈎燒香知夜漏刻燭驗更籌天

禽一作雞下北閣一作闕織女入西樓月皎疑非夜林疎似

更秋水光懸蕩壁山翠下添流詎假西園讌無勞飛蓋

遊

夏詩 一作徐鼎

徐勉

夏景厭房櫳促席翫花叢荷陰斜合翠蓮影對分紅此時避炎熱清樽獨未空

夏日

徐忬

炎光歇中宇清氣入房櫳晚荷猶卷綠疎蓮久落紅

夏夜獨坐

蕭子範

節序值徂炎茲宵在三伏憑軒佇涼氣中筵倦煩燠寂寞對空窻清踈臨夜竹蟲音亂堦草螢光繞庭木簾月度斜輝風光起餘馥一傷年志罷長嗟逝波速

夏潦省宅

任豫

風棹出天街星言指沈室頓楫俄毀垣惻然悼窮陌春為發大道夏為激潮折貴者陋懷居鄙人安朝夕生長數十載幸祐見衰白堂遺孤孩音庭餘筭齒迹入似聚族慰出為里仁惜

苦暑

王筠

日坂

一作城

散朱雱天隅歛青靄飛飈

一作光

煥南陸炎津

通北瀨繁星聚若珠密雲屯似蓋月至每開襟風過時

解帶

前題

劉孝威

暮日苦炎溽遷坐接階廊月麗姮娥影星含織女光棲
禽動夜竹流螢出閨墻香盤糝鮮粉雕壺承玉漿白羽
徒垂握綠水自周堂弱紈猶覺重織絺尚少涼弄風思
漢朔戲雨憶吳王玄冰術難驗赤道漏猶長誰能更吹
律還令黍谷涼

秋夕納涼奉和刑獄舅

江淹

蕭條晚秋景旻雲承景斜虛堂起青靄崦嵫生暮靄空
居寂以欹左右自幽歌騎星謝屐一作箕尾濯髮慙陽阿
年歇玄圃壁歲減天津波金簫哀夜長瑤琴怨暮多四
時通信黯春風日夜過楚水徒有蘭憂至竟如何

郊外望秋

答殷博士

白露掩江臯青滿平地蕪長夜亦何際銜思久踟躕企
余重蘭貝清才富金瑜獨艷始東山擅麗終西都雲精
無永滯水碧豈慙濡屬我茲景半賞爾若光初折麻異
離羣紉蕙非索居頻贈既雅歌還懷諒短書

奉和便省餘秋

庾肩吾

五言古詩 卷三十一 十九
前對金精坂傍臨圓水池照影礙浮葉看山通迥枝鴈
行連霧盡雨足帶雲移

秋日愁居

答孔主簿

王僧孺

首秋雲物善晝暑日猶清日華隨水沉樹影逐風輕依
簾野馬合當戶昔耶生物我一無際人鳥不相驚儻過
北山北聊訪法高僧

秋念

吳均

團團珠暉轉炤炤漢陰移箕風入桂露璧月滿一作瑤
池樹青草未落蟬涼葉已危還深長夜想顧憶臨卣卮
芳杜果蕪沒纓帶欲何爲

秋日

鮑泉

露色已成霜梧楸欲半黃燕去欄恒靜蓮寒池不香夕
鳥飛向月一作日餘蚊聚逐光旅情恒自苦秋夜漸應長

冬夜和殷長史

江淹

冬盡綵葉暮金石亦懷傷水鱗不能起水鳥望川梁客
子仿永夜寂寞幽意長臥歇丹丘采坐失曾泉光結眉
慘成慮銷憂非羽觴此心與可緩清芷在沅湘

冬盡難離和丘長史

閒居深悵悵颼寒拂中閨寶禮自千里縑一作緘書果君
題山川吐幽氣雲景抱長懷茲別亦爲遠潮瀾鬱東西

汀臯日慘色桂閣猿方啼
擘意誰侘僚屑涕在心垂
杜蘅念無沫石蘭終不睽
異總歲暮駕遊行蒼山蹊

舟中寒望

庾肩吾

日暮敞鳧舟曾冰合駛
流雪照齊君履寒入楚
王裘

暮寒

劉氏

梅花自爛熳百舌早迎春
逾寒衣逾薄未肯惜腰身

春情

陳徐陵

風光今日動雪色故年殘
薄夜迎新節當鑪却晚寒
竒

一作香分細霧石炭擣輕純
竹葉裁衣帶梅花奠

酒盤年芳袖裏出春色黛
中安欲知迷下蔡先將過上

蘭

春日

岸煙起暮色岸水帶斜暉
逕狹橫枝度簾搖驚燕飛
落花承步履流澗寫行衣
何殊九枝蓋薄暮洞庭歸

前題

江總

水苔宜溜色山櫻助落暉
浴鳥沈還戲飄花度不歸

內園逐涼

徐陵

昔有北山北今余一作來東海東
納涼高樹下直坐落花

中狹徑長無跡茅齋本自空
提琴就竹篠酌酒勸梧桐

立秋

周弘讓

五言古詩 卷三十一 二十二
茲辰戒流火商飈早已驚雲天改夏色木葉動秋聲

和衡陽王秋夜

張正見

睢苑涼風舉章臺雲氣收螢光連燭動月影帶河流綠
綺朱弦汎黃花素蟻浮高軒揚麗藻卽是賦新秋

春日

北齊陽休之

遲遲暮春日靄靄春光上柔露洗金盤輕綵綴珠網漸
看階蔭蔓稍覺池蓮長蝴蝶映花飛楚雀緣條響

春庭晚望

蕭愨

春庭聊縱望樓臺自相隱窻梅落晚花池竹開初筍泉
鳴知水急雲來覺山近不愁花不飛到畏花飛盡

秋思

清波收潦日華林鳴籟初芙蓉露下落楊柳月中踈燕
幃緗綺被趙帶流黃裾相思阻音息一作結夢感離居

奉和初秋西園

應教

池亭三伏後林館九秋前清泠間泉石散漫雜風煙菓
開千葉影榴艷百枝然約頰停飛旆凌波動畫船

和司徒鎧曹陽辟疆秋晚

秋詩

陽休之

葉疎知樹落香盡覺荷衰山藪良多思田園聊復歸
日照前窻竹露濕後園薇夜蛩扶砌響輕蛾遶燭飛

冬日傷志篇

邢邵

昔時情遊士任性少矜裁朝驅一作馳馬一作瑪瑙勒夕銜熊耳
杯折花步贈一作淇水撫瑟望叢臺繁華夙昔改衰病一

時來重以三冬月愁雲聚復開天高日色淺林勁鳥聲
哀終風激簷宇餘雪滿條枚遨遊昔宛洛踟躕今草萊
時事方去矣撫已獨傷懷一作懷哉

春望

一作陳後主

周宗懍

日暮春臺望徙倚愛餘光都尉新移棗司空始種楊一
枝猶桂馥十步有蘭香望望無萱草忘憂竟不忘

前題

庾信

春望上春臺春窓四面開落花何假拂風吹會併來

和歲首寒望

宗懍

旅騎出平原鉦鏡遍野喧接里開都邑連車駐小門稻
車迴故塢獵馬轉新村古碑空戴石山龕未上幡所言
春不至未有桃花源

早春

昨暝春風起今朝春氣來鶯鳴一兩轉花樹數重開散
粉成初蝶剪綵作新梅遊客傷千里無暇上高臺

奉和夏日

應令

庾信

朱簾捲麗日翠幕蔽重陽五月炎蒸氣三時刻漏長麥

隨風裏熟梅逐雨中黃開冰帶井水和粉雜生香衫含
蕉葉氣扇動竹花涼早菱生軟角初蓮開細房願陪仙
鶴舉洛浦聽笙簧

奉和初秋

落星初伏火秋霜正動鍾北閣連橫漢南宮應鑿龍祥
鸞棲竹實靈蔡上芙蓉自有南風曲還來吹九重

晚秋

淒清臨晚景疎索望寒階濕庭凝墜露搏風卷落槐日
氣斜還冷雲峯晚更霾可憐數行鴈點點遠空排

和裴儀同秋日

蕭條依白社寂寞似東臯學異南宮敬貧同北郭騷蒙
吏觀秋水萊妻紡落毛旅人嗟歲暮田家厭作勞霜天
林木燥秋氣風雲高栖遑終不定方欲涕沾袍

秋日

蒼茫望落景羈旅對窮秋賴有南園菊殘花足解愁

和潁川公秋夜

沈寥空色遠葉黃淒序變洞浦落遵鴻長飈送巢燕并
秋流夕景百籟含宵嘒峻雉聆金柝曾臺切銀箭

和殷廷尉歲暮

王褒

歲晚悲窮律他鄉念索居寂寞灰心盡摧殘生意餘產

空交道絕財殫密親疎空悲趙壹賦還著虞卿書

晚春

隋煬帝

洛陽春稍晚四望滿春暉楊葉行將暗桃花落未稀窺
簷燕爭入穿林鳥亂飛唯當關塞者溽露方霑衣

悲秋

故年秋始去今年秋復來露濃山氣冷風急蟬聲哀鳥
擊初移樹魚寒欲隱苔斷霧時通日殘雲尚作雷

冬夜

不覺歲將盡已復入長安月影含冰凍風聲淒夜寒江
海波濤壯嶠潼坂險難無因寄飛翼徒欲動和鑾

初夏 應詔

魏澹

雖度芳春節物色尚餘華出簾飛小燕映戶落殘花舞
衫飄細縠歌扇掩輕紗蘭房本宜夜不畏日光斜

梅夏 應教

薛道衡

長廊連紫殿細雨應黃梅浮雲半映一作空上清吹隔池
來集鳳桐花散勝龜蓮葉開幸逢為善樂頻降濟時才

夏晚

流火稍西傾夕影遍曾城高天澄遠色秋氣入蟬聲

夏日

李德林

夏景多煩蒸山水暫追涼桐枝覆玉檻荷葉滿銀塘輕

扇搖明月珍簾拂流黃壺盛仙客酒瓶貯帝臺漿才人
下銅雀侍妓出明光歌聲越齊市舞曲冠平陽微風動
羅帶薄汗染紅粧共欣陪宴賞千秋樂未央

奉和悲秋

應令一作蕭愨

王胄

秋天擬文學秋水擅莊蒙草濕蘩葭露波卷洞庭風便
坐翻桑葉長坂歇蘭蓂簷喧猶有燕陂靜未來鴻蟬噪
聞疑斷池清映似空劉安悲落木曹植歎征蓬重明豈
凝滯無累在淵冲隨時四序合應物五情同發言形惻
隱睿作挺神功下材均朽木何以慕彫蟲

秋日

應詔


袁朗

玉樹涼風舉金塘細柳萎葉落商飈觀鴻歸明月池迎
寒桂酒熟含露菊花垂一奉章臺宴千秋長願斯

秋夜獨坐

一作邢邵

危弦斷客心虛彈落驚禽新秋百慮淨獨夜九愁深枯
蓬唯逐吹墜葉不歸林如何悲此曲坐作白頭吟



既

既

既

寒卦既寒含觀蔭芥垂一奉草臺夏千既身既祺

王樹承風舉金獸既既葵葉蓉商颯既既既既既既

